

Rapport da gestiun 2023

Introducziun

Ils ultims ons sun stats colliats, tant per la società LÖ d'inscunter sco eir per la fundaziun, cun plü blera lavur, d'üna vart causa il müdamaint da las gestiuns ed eir pervi da la pandemia (Corona). Hoz funcziuna tuot fich bain e nus eschan ourdvalt cuntaints da pudair manar inavant quist'ouvra i'l sen dal fundatur Rico Parli.

Survista activitats

La curvegna cul cumün da Zernez a regard il sistem nouv per inchaschar las taxas da cura scrouda als 31-12-2024. Il cumün da Zernez voul cuntinuar cun quista spüerta ed eir far amo alch adattamaints.

Eir d'ürant quist on vaina stuvü far far singulas reparaturas plü pitschnas vi dal stabilimaint. Rumpatesta ans fa il tet da la chasa, pro'l qual as muossan adüna darcheu lös da la pensa chi cuorran. La firma Roner e partenari, Zernez, racumonda da rimplazzar la platta da cuschnar, causa chi saja adüna plü difficil da surgnir tocs da recambi per quist model plü vegl.

Als 26 avrigl 2022 ha il cussagl decis da's participar a l'organisaziun "Bergsteiger Dörfer". Respunsabel per la coordinaziun es il Turissem Scuol, Samignun, Val Müstair, Zernez. Il contrat correspudent cun tala organisaziun nun es amo gnü preschantà.

Sco commembers da la Società cooperativa Butia Lavin eschna eir quist on gnüts invidats a lur radunanza generala, a la quala ha tut part Anna Margaritta. Causa cha tala butia es da grond'importanza per la Fliana, vaina sustgnü a seis temp la fabrica da la butia cun ün import considerabel e nus sperain cha tala possa exister eir in avegnir. Cuntschaintamaing han butias in cumüns plü pitschnas fadia da survivor.

L'uffizi d'impostas dal cumün da Zernez ha refusà nossa dumonda a regard la deliberaziun da l'imposta sün immobiglias. Il büro Nievergelt & Stoehr da Samedan, racumonda d'acceptar la decisiun, siond cha'l güdisch administrativ dal Grischun ha fingià güdichà negativamaing in simils cas.

Finanzas

Il quint da gestiun, manà da Gabriela Oberholzer dal büro Accontaris AG, Scuol, serra cun ün guadogn da 27'920 francs. L'agen chapital s'augmanta per tal import sün 329'004 francs. La revisiun es gnüda fatta dal medem büro, però dad otras personas.

Sguard in l'avegnir

La Chasa Fliana sco chasa da vacanzas e per colonias es retscherchada. Per restar inavant attractivs cun nossa spüerta fa quai dabsögn da far davoman las lavurs da mantegnimaint necessarias. Eir la società LÖ d'inscunter prosperescha grazcha al grond ingaschamaint da la suprastanza e dal comitè. Sco üsità sustegna la

fundaziun la società cun metter a disposiziun gratuitamaing las localitats bsögnaivlas d'ürant il temp cha'ls cuors han lö. Insembel cun la società eschna landervia da drizzar aint üna nouva pagina d'internet. Tenor las infuormaziuns da perits, es la pagina existenta antiquada.

Remarchas finalas

In nom dal cussagl da fundaziun ingrazch eu fich a nossa manadra da chasa, Anna Margaritta Filli, Lavin, ed a Martina Rest dal büro Rest-Administraziuns SA, Susch, per lur grond ingaschamaint e per la fich buna lavur. Grazcha fich eir al cussagl da fundaziun ed a la squadra dal büro Accontaris Treuhand AG, Scuol, per la buna collavuraziun, sco eir a tuottas personas chi praistan in che möd chi saja lavur a bön da la Fliana.

Mai, 2024, Jachen Erni, president